

Peqqinnissaqarfik Naalagaaffimmut utertinneqassappat suut periarfissaanersut kiisalu pitsaaqutaasinnaasut suullu ajoqutaasinnaanersut pillugit apeqquteqaat aallaavigalugu oqallisissiassatut siunnersuut.

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

Akissuteqaat

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

Peqqinnissaqarfik Naalagaaffimmut utertinneqassappat suut periarfissaanersut kiisalu pitsaaqutaasinnaasut suullu ajoqutaasinnaanersut pillugit apeqquteqaat aallaavigalugu oqallisissiassatut siunnersuummut Naalakkersuisut qujapput.

Peqqinnissaqarfik Naalagaaffimmut utertinneqarsinnaava?

Apeqqummut tamatumunnga akissut tassaavoq, suliassaqarfiiit Namminersorlutik Oqartussat Danmarkimiit tigusimasaat kisiisa pillugit Namminersorlutik Oqartussanut Inatsimmi (Namminersornermik inatsit) malittarisassaliortoqarnikuuvooq. Suliassaqarfiiit Nunatsinnit tiguneqarsimasut Danmarkimut utertinneqarsinnaanerat pillugu Namminersornermik inatsimmi malittarisassaliortoqarnikuunngilaq. Tamanna kissaatigineqassappat Danmark tamatuminnga isumaqtigiiiniuteqarficalugu aallartittoqartariaqarpoq. Taamaattoqassap-pattaaq Danmark suliassaqarfimmik utertitserusussuseqartariaqarpoq.

Peqqinnissaqarfik akisussaaffippassuaqarpoq, innuttaasullu katsorsartinnissamik neqerooru-taasussat pillugit ilimasuuteqaraluttuinnarput. Ilimasuutinik tamakkuninnga eqortitsinissaq, peqqissaanerullu tungaatigut aningaasatigut killigeqqusat iluanni sapinngisamik amerlaner-paanik neqerooruteqartarnissaq sulissutigineqartuarpoq.

Naak peqqinnissaqarfimmi pitsangorsagassaqaraluartoq eqqaamassavarput suliniuterpassua-qartoq tulluussimaarutigisinnasatsinnik, soorlu meeraaqqat toqusartut ikileriarujussuar-simapput. Meeqqat peqqissusaat ajungeqaaq aamma sivisunerusumik inuusalerpugut.

Peqqinnissaqarfik sinerissami illoqarfinni nunaqarfinnilu 74-ini sulisarpoq, aamma peqqin-nissaqarfik sumiikkaluaraanniluunniit ulloq unnuarlu attavigineqarsinnaavoq. Periarfissaq taanna nunatsinni atorneqarluarpoq, inuk ataaseq ukiumut agguaqatigiisillugu arfinillit – arfineq marlullu akornanni nakorsartittarneranut takutitsivoq. Katsorsaasarfinnut aallarus-sinissamut periarfissagissaartoqarpoq aamma Nuummi, Danmarkimi Islandinimilu immikkut ilisimasalinnit suliaritinnissamik neqeroorfigineqarnissaq periarfissaalluni.

Nakorsartinnerit nakorsaatillu tamarmik akeqanngillat. Nunarsuatsinni arlaqanngitsuinnaat taamatut neqerooruteqarsinnaapput, aamma Danmarkimi nakorsaatit nammineq akilerne-qartarput.

Peqqinissaqarfik Naalagaafimmut utertinneqassagaluarunik ajoqqutaasinnaasut ilagivaai nammineq akiliinerulernissaq nakorsaatnik aammalu inersimasunut kigutileritinneq.

Peqqinnissaqarfik ukiut 30-ngajaat siornatigut tiguarput. Tigunerani ukiumut 600 mio. kr-missaani aningaasalerneqarpoq. Taamanikkulli aningaasalernera annertusiartuinnerpoq maannakkumuut ukiumut 1,5 mia. kr. Taanna takutippaa peqqinnissaqarfik annertuumik tatineqartoq.

Tatineqarneq tamanna ukiorpassuarni tulliuttuni annertusiartuinnassaaq, inuimmi amerliartuinnartut peqqinnissaqarfimmitt ikiorneqartariaqassapput. Sivisunerujartuinnartumik inuusalerneq pingaarningermik pissutaavoq, tassa imaappoq utoqqaat ajorunnaarsinnejqarsinnaanngitsunik nappaatillit amerliartussapput. Aammali nakorsaatit tungaasigut siuariartorneq pissutigalugu nappaatit amerlanerit katsorsarneqarsinnaalissapput. Taamaattumik Aningaasarnermut Siunnersuisoqatigiit oqarsimanehattut peqqinnissaqarfimmut aningaasartuuteqaralltuinnarnissaq avaqqunneqarsinnaanngilaq. Peqqissuseq inuaqatigiinni atugarissaarfiusuntunngaviulluinnartunut ilaavoq, taamaallunilu inuaqatigiit aningasaataasa sumut atorneqarnissaannik pingaarnersiuinissaq aamma apeqqutaalerluni.

Peqqinnissaqarfik Danmarkimut utertinneqarneratigut pitsaaqutigissavaa kalaallit inuaqatigiit namminneq peqqinnissaqarfimmut aningaasaliissuteqassanngimmata. Ajoqutaasinnaasorlu tassaavoq politikkikkut sunniuteqarsinnaannginnatta assersuutigalugu peqqinnissaqarfimmik aaqqissuussaanikkut apeqqut. Peqqinnissaqarfik kommunillu akornanni suleqatigiinneq aamma ajornarnerulersissinnaavoq politikkikkut akisussaaffiup ungasinnera pissutigalugu. Taamatuttaaq Naalagaaffimmiit bloktilskud aaqqiissuteqarnissaanik naatsorsuutigineqarsinnaavoq peqqinnissaqarfik akisussaafagineqarunnaarnera tunngavigalugu.

Pitsaaqutip aappaa tassaavoq peqqinnissaqarfik Naalagaaffimmut tunniunneqarnerani peqqisutsimut sullisisunik atorfinititsiniarneq sulisoqaannarniarnerlu pillugit unamminartut ernumassutigiunnaassagatsigit. Apeqqutaalsaarli peqqissutsimut ilisimasallit kalaallisut oqaasillit amerlassusaannut qanoq sunniuteqassanersoq.

Nakorsassaaleqineq peqqissaasussaaleqinerlu unammilligassaaajuarsimavoq, aamma akisussaaffik danskinit tigummineqarallarmat. Ajornartorsiut Nunatsinniinnaq atuutinngilaq, aammali nunani avannarlerni tamani atuuppoq. Unamminartut tamakku aaqqiviginiarlugit Danmarkimi najukkami napparsimaveqarfiiit matuneqarsimapput taamaasillutillu eqiterineq annertusisarlugu.

Peqqinnissaqarfik Danmark-imit tiguneranit, danskit pissusaat naapertorlugu ilusilersugaq tigusimavarput. Maannakkut uunga killippugut Peqqinnissaqarfipput aaqqissuuteqqittariaqalerlugu taamaasilluni ullumikkut katsorsarneqarnissamik pisariaqartitsinermut naleqqussarlugu, nunatsinnilu sunik neqerooruteqarsinnaanermut piviusorsiortumik isummernissamut tunngatillugu. Peqqinnissaqarfitsinnik nammineq akisussaaffiginninerup ajunngequtigaa

uagut pingaartitavut aallaavigalugit peqqinnissaqarfimmik ilusilersuillatalu ineriertortitsisin-naagatta. Suliaq tamanna aallartereeroq.

Maannakkorpiaq suleqatigiissitaq peqqinnissaqarfiup aaqqissugaanera pillugu pilersaaru-siamik nutarterippuit. Peqqinnissaqarfimmi sullissinerup pilersaarusruneqarneranut erseqqin-nerusumik tulluarnerusumillu tunngavissiinissaq siunertarineqarpoq. Isumalluutit napparsima-sunut annerpaamik atorneqarnissaat suliaqartunit qulakkeerneqassaaq. Taamaatuttaaq Peqqin-nissaq pillugu ataatsimiitaliarsuarmik, peqqinnissaqarfimmi ataqatigiisumik aaqqissuussaa-nerup pitsanngorsaanissamik innersuussisussamik, pilersitsiniarnissaq aqqutissiuunneqarpoq.

Naalakkersuisut taamatut oqaaseqarlutik Inatsisartuni oqallinnissaq qilanaaraat.